



ҚОНУНИЙЛИК ВА ҲУҚУҚ-ТАРТИБОТ УЧУН!

POSTDA



O'zbekiston Respublikasi
IIV nashri

Gazeta 1930-yil 12-maydan chiqqan boshlagan • E-mail: postda08@umail.uz • 2015-yil 19-dekabr, shanba • № 51(4152)

Қарор ва ижро

ИНСОНПАРВАРЛИК ТАМОЙИЛИГА АМАЛ ҚИЛИБ

Ўзбекистон Республикаси Олий Мажлиси Сенатининг «Ўзбекистон Республикаси Конституцияси қабул қилинганлигининг йигирма уч йиллиги муносабати билан амнистия тўғрисида»ги Қарориди юқоридаги жумлаларни учратиш мумкин. Умуман, мамлакатимизда мустақиллик йилларида амалга оширилаётган суд-ҳуқуқ ислохотлари жараёни, қабул қилинаётган қонун ҳужжатлари инсонпарварлик руҳи билан суғорилган.

Бунинг сабаби оддий. Чунки халқимиз бағрикенг, кечиримли халқ. Юртдошларимиз савоб иш қилишга шошилади, қоқилганни суяшни, адашганга тўғри йўл кўрсатишни ўзининг инсоний бурчи деб билади. Шундай экан, миллий қонунчилигимиз ҳам қадриятларимизга ҳамоҳанг, уйғун бўлиши табиий ҳол.

Куни кеча Ўзбекистон Республикаси Бош прокуратурасида Олий Мажлиси Сенатининг ушбу қарори ижросига бағишлаб ўтказилган республика идоралараро йиғилишида ана шулар ҳақда сўз борди. Тадбирни Ўзбекистон Республикаси Бош прокурори ўринбосари, 3-даражали Давлат адлия маслаҳатчиси Х. Ҳалимов очди ва олиб борди. Идоралараро йиғилишда Ўзбекистон Республикаси Олий Мажлиси Сенати Раисининг ўринбосари С. Ортиқова, Олий суди раиси ўринбосари Қ. Тоғаев, Ички ишлар вазирининг ўринбосари, полковник С. Нурматов, «Маҳалла» хайрия жамоат фонди бошқаруви раиси Ж. Инагамов ва бошқалар сўзга чиқиди. Улар қарорнинг мазмун-моҳияти ва аҳамияти устида тўхталишди. Амнистия актини амалга оширишда жамоатчилик назоратининг, ошкораликнинг, жараённи оммавий ахборот воситаларида кенг ёритилишининг аҳамияти хусусида фикр юритишди.

Шу ўринда қарорнинг икки жиҳати устида алоҳида тўхталишни истардик. Биринчидан, унда афв этиш ёки амнистия тартибиди илгари жиноий жавобгарликдан ёки жазодан озод қилинган ва яна қасддан жиноят содир этган шахсларга нисбатан ушбу қарор татбиқ этилмаслиги кўрсатиб ўтилган. Чунки кечиримлиликнинг қадрига етмаганни яна кечириб қўйиб, Хитой халқида «Аҳмоқ бировнинг ёмонлигини кечирмайди ҳам, унутмайди ҳам. Содда одам бошқаларнинг ёмонлигини кечириб, сўнг бутунлай унутиб юборади. Оқил одам эса ёмонликни кечиради, аммо унутмайди» деган мақол бор. Бизнинг давлатимиз оқил одамлар сингари ана шундай оқилона йўл тутди.

(Давоми 2-бетда).

Осойишталик посбонлари — халқнинг таянчи ва суянчи



МАРДИ МАЙДОН ЎҒЛОНЛАР юрт корига камарбастадир

Юртбошимиз раҳнамолигида олиб борилаётган кенг кўламли ислохотлар самараси ўлароқ, Тошкент вилоятида кўплай ижобий ўзгаришлар юз бермоқда. Мамлакат миқёсида улкан ютуқларнинг кўлга киритилишига вилоят аҳли ҳам муносиб ҳисса қўшиб келмоқда. Буларнинг барчаси, биринчи навбатда, юртимизда ҳукм сураётган барқарорлик, тинчлик ва осойишталик тўғрисида.

Мамлакатимиз иқтисодийётида катта салоҳиятга, нуфузга эга бўлган Тошкент вилоятида кримноген вазиятни барқарорлаштириш, аҳоли тинчлиги ва осойишталигини таъминлаш, шубҳасиз, вилоят ички ишлар идоралари ходимлари зиммасига улкан масъулият юклайди. Буни чуқур англаб етган осойишталик посбонлари вилоят ҳудудида фуқаролар хавфсизлиги ва жамоат тартибини сақлаш, ҳар қандай кўринишдаги жиноят ҳамда ҳуқуқбузарликларнинг олдини олиш, содир этилганларини фош этишда жонбозлик кўрсатиб келишаётир.

Газетамизнинг 8–9-саҳифаларидан ўрин олган материаллар орқали Тошкент вилояти ички ишлар идоралари соҳавий хизматлари фаолияти билан танишишингиз мумкин.



Самарқанд шахрининг сўлим гўшала-ридан бирида жойлашган вилоят ИИБ тиббиёт бўлимига қарашли госпиталнинг ишга тушганига кўп вақт бўлгани йўқ. Шундай бўлса-да, у аллақачон ҳудудда ўз ўрнини топиб улгурди. Бугунги кунга келиб бу шифо масканида нафақат ички ишлар идоралари ходимлари, балки тизимда узоқ йиллар хизмат қилиб, ҳозирда кексалик гаштини сураётган фахрийлар ҳамда уларнинг оила аъзолари ҳам даволаниб, саломатлигини тикламоқда. Бу ерда кўрсатилаётган тиббий хизматлар барчага бирдек манзур бўлмоқда.

Госпиталга кириб борганимизда фойедаги дам олиш жойида бир гуруҳ соҳа фахрийлари мириқиб суҳбатлашиб ўтиришган экан. Бир муддат уларга разм солдик. Тилида шукроналик, юзида мамнунлик аломати. Нега шундай бўлмасин, ахир, уларнинг саломатлиги учун қўли энгил шифокорлар, ширинсухан ҳамширалар камарбаста. Гоҳида уларга шифобахш гиёҳлардан тайёрланган ичимликни тутиб:

— Кечагидек кўп ичиб қўйманг, отахон. Бўлмаса, қон босимингиз яна тушиб кетади, — дейди уларнинг соғлиги учун қайғуриб.

— Қизим, бунинг жуда мазали бўлса нима қилай, билмасдан кўп ичиб қўяман-да, — дея жавоб қайтаради фахрийлардан бири ҳазиломуз оҳангда.

Суҳбат асносида фахрийлар вилоятнинг турли ҳудудларидан ташриф буюрганини билиб олдик. Бири тезкор хизматда, яна бири жамоат



тартибини сақлаш хизматида, бошқаси тергов тизимида фаолият кўрсатган.

— Авваллари даволаниш учун пойтахтдаги Марказий госпиталга боришимизга тўғри келарди, — дейди истеъ-

фодаги подполковник Раҳматилла Маърупов. — Яқинда ўзимизда ҳам госпитал ишга тушганини эшитиб, даволаниш учун келдик. Буни қарангки, жуда ажойиб шифохона бўлибди. Яхши даволанаяпман. Шифокору ҳамшираларнинг ширин муомаласидан кўнглим тўқ.

— Ўғлим, мен госпитал ходимларидан жуда миннатдорман, — дейди истеъфодаги майор Жўрақул Дўстов. — Бундай дейишимнинг сабаби бор. Бундан бир ҳафта олдин мен уйда бирданига кўз олдим қоронгула-

шиб, тобим қочиб қолди. Шундан кейин нима бўлганини билмайман. Кўзимни мана шу госпиталда очдим. Кейин билсам, қон босимим кўтарилиб кетгач, фарзандларим оғир аҳволда мени шу ерга олиб келишибди. Қўли дард кўрмасин, шифокорларнинг сая-ҳаракати билан соғайдим, дунёга бошқача кўз билан қараяпман. Мени ҳаётга қайтаргани учун госпиталнинг барча ходимларига катта раҳмат!

Шифо масканини айланиб, бу ер баҳаволиги, озода ва ободлиги билан бошқа шу каби госпиталлардан сира ҳам қолишмаслигига амин бўлдик. Тоза ва саришта хоналар, кишининг бахридидини очадиган кўм-кўк арчазор, доимо кулиб муомала қиладиган саломатлик посбонлари бу ерга шифо истаб келган ҳар қандай кишига малҳам бўлади деб бемалол айта оламиз.

— Госпитал фаолияти-ни бошлаганига кўп вақт

бўл-маса-да, ўтган даврда олдимизга қўйган мақсадга баҳоли кудрат эришиб келяпмиз, — дейди врач-терапевт Махфуза Неъматова. — 40 ўринга мўлжалланган госпиталда асосан физиотерапия, ней-



рология бўлимлари фаолият кўрсатмоқда. Бундан ташқари, фитобар ҳам ташриф буюрувчилар хизматида.

Ҳа, госпиталда мамлакатимиз ҳуқуқ-тартибот тизимида самарали фаолият кўрсатиб, тинчлик ва осойишта-

ликни таъминлашга муносиб ҳисса қўшган, айти дамда нафақат бўлган ички ишлар идоралари ходимларига алоҳида эътибор кўрсатилмоқда. Зотан, кексалар, пири бадав-

лат отахону онахонлар ҳурмат-эҳтиромда, уларни эъозлаш ҳалқимизга хос ажойиб фазилатлардандир.

Фозил МАМАШАРИПОВ.
Самарқанд вилояти.
Шавкат ҚАҲҲОРОВ
олган суратлар.

Соҳамиз маликалари

Пойтахтимизнинг Сергели тумани ИИБ котибиятидан хурсанд ҳолда чиқиб кетаётган икки нафар онахоннинг ўзаро суҳбати эътиборимни тортди.

— Ички ишлар идоралари ходимларига минг раҳмат! Қаранг, тумандаги қанча ташкилотларга кириб-чиқмадик. Ҳали у, ҳали бу деб овораи сарсон қилишди. Сансоларлик роса жаҳлимизни чиқарди. Охири, чиқмаган жондан умид, деб уч кун аввал бу ерга келиб, ариза ташлаб кетгандим. Кеча бир гуруҳ кишилар хонадонимга ташриф буюриб, олти ойда битмаган ишни бир зумда ҳал қилиб кетишди. Муаммомизга ечим топишга бош-қош бўлган ички ишлар идораси раҳбарларига миннатдорлик билдиргани келгандим, — деди улардан бири.

— Мен ҳам уларга раҳмат айтиб қайтаяпман. Тўғриси-ни айтсам, ички ишлар идоралари ходимлари биз каби инсонларнинг қонуний манфаатларини ҳимоя қилувчи посбонларимиз эканидан фахрландим, — дея ҳамсуҳбатининг фикрига қўшилди иккинчиси.

МАТОНАТ ВА ЛАТОФАТ СОҲИБАСИ

Турли масалада туман ИИБга мурожаат қилиб, муаммоси шу идора орқали ечим топган кишилар фақат юқоридагилар эмас. Таъкидлашларича, жорий йилнинг ўтган даврида 1850 нафар фуқаро ариза билан бу ерга мурожаат этган бўлса, барчасининг илтимоси ижобий ҳал этилган.

Юқоридаги мисол ва рақамларга алоҳида эътибор қаратилганининг боиси бор: фуқаролардан қабул қилиб олинаётган ариза ва шикоятларни шунингдек, ИИБ, Ташкент шаҳар ИИББ ҳамда раҳбариятнинг топшириқларини тегишли тартибда ижрочиларга етказиш, уларнинг ижросини назоратга олиш, котибиятда хизмат вазифасини бажараётган ходимлардан алоҳида масъулиятни талаб қилади.

Фуқароларнинг шикоят ва аризалари ўз вақтида кўриб чиқилиши ҳамда

бошқа топшириқларнинг ижроси муддатида бажарилишини яхши тушунадиган Сергели тумани ИИБ котибияти катта иш юритувчиси, сафдор Феруза Ҳамдамова учун бу тартиб-



қоида янгилик эмас. Чунки у кўп йиллардан буён котибиятда хизмат вазифасини бажариш жараёнида бой тажриба орттириб, ўз соҳасининг устасига айланган.

Ана шунинг учун ҳам раҳбарият ва шахсий таркибнинг ҳурмати қозонган.

Тўғри, дастлабки фаолиятида кўплаб ёш ходимлар сингари хизматнинг сир-асорини мукаммал ўзлаштириши осон кечмади. Бу жараёнда унга ҳамкасби, котибият бошлиғи, сафдор Нодирахон Юлдашева яқиндан ёрдам берди.

Гапнинг рости, эндиликда котибиятга юклатилган вазифаларни бекам-кўст адо этишда унинг олдида тушадигани бўлмаса керак. Халқимизда «Иш боши — интизом» деган гап бор, ана шу қоиданинг нечоғли тўғри эканини сафдор Ф. Ҳамдамова фаолиятида яққол кўриш мумкин. Аввало, иш кабинетини ҳаммаша саранжом-саришта. Хатлар ва мурожаатлар, буйруқлар китоблари жой-жойида туради. Котибиятдан бирор маълумот сўралса, қисқа муддатда белгиланган шаклда тай-

ёрлаб берилади. Шу боисдан барча ходимлар ундан ўрناق олишга интилишади.

Дарвоқе, котибиятдаги тартиб-интизом ва иш юритиш услуги туман ИИБ раҳбарияти томонидан бир неча бор шахсий таркибга ибрат қилиб кўрсатилган. Ўз касбининг фидойиси фақат котибият иши билан чекланиб қолмасдан, касбга оид турли қизиқарли тадбирларни ўтказишга ҳам бошқош. «Балли, қизлар!», «Соҳамиз билимдонлари», «Орасталик», «Касбим — фахрим» каби хотин-қизлар ўртасида ўтказилаётган кўрик-танловлар шулар жумласидандир.

— Котибиятдаги тартиб-интизом ва ходимларнинг ўз вазифаларини талаб даражасида уйдалаётганидан мамнунмиз, — дейди туман ИИБ бошлиғининг ўринбосари, подполковник Қодиржон Ботиров. — Сафдорлар Ф. Ҳамдамова ҳамда Н. Юлдашева зиммаларига юклатилган барча вазифаларни сидқидилдан бажариб, бошқаларга намуна бўлмоқда.

Абдусами ҲАҚБЕРДИЕВ,
Шавкат ҚАҲҲОРОВ
олган сурат.

O'ZBEKISTON RESPUBLIKASI IIV BIRLASHGAN TAHIRIYATI

Bosh muharrir o'rinbosari — **Qobiljon SHOKIROV**
Mas'ul kotib v.b. — **Zokir BOLTAYEV**

Navbatchi — **Inomjon RAHIMXO'JAYEV**

MUASSIS: **O'ZBEKISTON RESPUBLIKASI ICHKI ISHLAR VAZIRLIGI**

Sahifalovchi — **Rustam ISOQULOV**
Matn ko'chiruvchi — **Gulnora SODIQOVA**

TELEFONLAR:
231-33-88;
Faks: 254-18-79.
Обуна бўйича:
231-48-81;
95-177-32-31



Tahririyat hisob raqami 20210000900447980001, MFO 00420. ATIB «Ipotekabank» Mirobod tuman bo'limi. INN 200637499.

Tahririyatga kelgan qo'lyozma va suratlar egasiga qaytarilmaydi. Nashrimizdan ko'chirib bosilganda «Postda»dan olinganligi ko'rsatilishi shart.

«O'zbekiston» nashriyot-matbaa ijodiy uyi bosmaxonasida chop etildi. Korxonaning manzili: Alisher Navoiy ko'chasi 30-uy.

Gazeta haftaning shanba kuni chiqadi.

Gazeta O'zbekiston Matbuot va axborot agentligida 2007-yil 11-yanvarda 0120-raqam bilan ro'yxatga olingan. Buyurtma №S-4686. Bosilish — ofset usulida. Hajmi — 4 bosma taboq. 69436 nusxada chop etildi. Obuna raqamlari: Yakka tartibda — 180. Tashkilotlar uchun — 366. Bosishga topshirish vaqti — 22.00. Bosishga topshirildi — 23.00. Sotuvda kelishilgan narxda.

MANZILIMIZ: 100070, Toshkent shahri, Shota Rustaveli 1-berk ko'chasi, 1-uy.